

OL RUL

BLONG SWIMSWIM MO DAEVA WETEM KAOFIS



Plis help blong kipim ol kaofis blong Vanuatu blong oli no fraet be stap olsem ol gudfala fren oltaem. Meksua se kaofis hemi glad *oltaem* taem hemi stap lukim ol man.

- Taem yu go long solwota o lukim wan kaofis yu NO MAS swim stret from hem. Stap long wan ples, mo letem kaofis i kam klosap long yu sapos hemi wantem.
- Swim sloslo nomo, no mekem tumas noes, no muvmuv olbaot.
- I no mas gat bitim 5 man oli swim 10m klosap long kaofis.
- Sapos yu luk wan mama kaofis mo bebe blong hem swim 5m farawe long tufala.
- Meksua se i no gat man o eni samting i pas long medel blong mama mo bebe kaofis.
- Yu no mas blokem rod blong kaofis taem hemi stap kam antap long solwota.
- Sapos yu stap swim wetem wan kaofis we i bin kam klosap long yu, yu mas stap 2 mita farawe long tel blong hem.
- Sapos wan kaofis i stap soem se hemi no glad, yu mas stop mo muvaot long 50 mita long hem.
- Yu no mas fidim kaofis mo no spolem kaofis taem hemi stap kakae.
- Plis meksua se taem yu stap tekem foto o rikodem vidio, yu no fogetem ol rul ia mo no go klosap tumas long kaofis. I mogud blong lukaotem gud kaofis mo stap sef, i no foto o “selfi” we hemi impoten.
- Hemi moa gud blong no tajem kaofis from bae yu save givim kil long hem mo maet hemi gat wan sik we yu save kasem.
- Neva traem blong sidaon long baksaed blong kaofis blong ron long hem.
- Neva traem blong tajem bebe kaofis. Rimemba blong stap 5 mita farawe long mama mo bebe kaofis.
- Yu no mas traem tajem wan kaofis long hed, tel mo han blong hem.

Rimemba se loa blong Vanuatu hemi protektem ol kaofis.



Yu save faenem ol rul mo infomesen blong kaofis long VESS websaet:
www.vanuatuconservation.org



Fisheries Department of Vanuatu